



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 04/06 2021

Geagte Ouers/Voogde

1. **Finansies:**

Die volgende inbetaling is ontvang en as gevolg van gebrekkige verwysing, weet ons nie wie die betaling gedoen het nie. Sal die betrokke persoon asseblief vir mev. Mattheus in hierdie verband kontak.

31.05.2021: Verwysing: Skoolgeld – R1075,00

Bankbesonderhede: Bestuursliggaam HS McLachlan
ABSA Joubertina
Rekeningnommer: 1970 430047
Tipe rekening: Tjek
Takkode: 334415
Verwysing: KIND SE NAAM EN VAN

Ons doen weereens 'n vriendelike, dog dringende versoek, dat EFT-betalings se verwysings die betrokke leerder se naam en van op sal hê, én dat 'n betalingsbewys, met verduideliking waarvoor die inbetaling is, na mev. Mattheus by admin@hsmclachlan.co.za ge-epos sal word.

Kopieerkoste:

Die kopieerkoste van R500 per leerder vir 2021 moes teen 31 Maart 2021 betaal gewees het. Ongelukkig is daar nog verskeie leerders wat nog nie die kopieerkoste betaal het nie. Indien dit nie sonder verwyl betaal word nie, sal die leerders nie verder fotostate ontvang nie. Die skool kan nie optimaal funksioneer indien ouers nie hul finansiële verpligtinge teenoor die skool nakom nie. Die leerder in Hoërskool McLachlan ontvang kwaliteit onderrig en daarvoor is finansies broodnodig.

Ons opregte dank en waardering teenoor ouers wat te midde van moeilik finansiële omstandighede, hul plig in die verband nakom.

2. **OOV-“Hamper”-projek:**

Vir ons kwartaallikse fondsinsamelingsprojek gaan ons lootjies verkoop vir verskeie “hampers” wat gewen kan word. Grade word in groepe opgedeel en elke groep het 'n sekere “hamper” wat hulle uitloot.

Hierdie fondse is uiters noodsaaklik vir die voortbestaan van ons skool en ons vra dat elke ouer sal help om die projek 'n sukses te maak.

Die verskillende “hampers” per groep is as volg:

Graad 1 en 12: Nie-bederfbare kos

Graad 2 en 11: Skoonmaakmiddels

Graad 3 en 10: Koekies en beskuit

Graad 4 en 9: Sjokolade

Graad 5 en 8: Skryfbehoeftes en “Arts & Crafts”

Graad 6 en 7: Heerlike warm drankies (koffie, warm sjokolade, ens.)



Die idee is om by alle grade lootjies te koop en nie net die graad waarin u kind is nie. **“Hampers” bestaan uit die produkte wat deur die ouers van elke groep geskenk word.** Daarom vra ons dat alle ouers ASSEMBLIEF vir ons produkte soos teenoor u kind se graad aangedui is, sal skenk, sodat ‘n fantastiese “hamper” opgemaak kan word. Stuur asseblief die produkte teen **28 Junie** saam met u kind skool toe.

Die klas wat die meeste lootjies verkoop, sal ‘n geskenk wen.

3. **Karoo to Coast – fietswedren: 26 September 2021:**

Hierdie is weer ‘n geleentheid vir Hoërskool McLachlan om geld in te samel. Ons soek bestuurders om deelnemers se voertuie van Uniondale na Knysna te neem. Die skool verdien R850 per voertuig. Indien u beskikbaar is, kontak Daleen Strydom by 042 2731335 of stuur ‘n e-pos na info@hsmclachlan.co.za.

4. **Covid-prosedure:**

Prosedure voor skool:

Die skool se hekke word elke oggend om **07:30** oopgesluit en word weer om **07:50** gesluit. Leerders wat na 07:50 by die skool opdaag, moet by die sekretaresse aanmeld.

Ingang/Uitgang van onderskeie grade:

Let wel: Skandering vind soggens van 07:30 – 07:50 plaas.

Graad	Hek (ingang) 07:30 – 07:50	Hek (uitgang)	Skandering	Skoolure
1 en 2	Bushek (P.J.Retiefstr.)	Klein hekkie (12:40)	07:30 - 07:50	Maandag – Vrydag 07:30 – 12:40
3, 7, 8,12	Bushek (P.J.Retiefstr.)	Bushek (P.J.Retiefstr.)	07:30 - 07:50	Maandag – Donderdag 07:30 – 14:15 Vrydag: 07:30 – 12:40
4, 5, 6, 9, 10, 11	Klein hekkie (De Waalstraat)	Klein hekkie (De Waalstraat)	07:30 - 07:50	Maandag – Donderdag 07:30 – 14:15 Vrydag: 07:30 – 12:40

LET WEL: Die skuifhek sal NIE meer as in- of uitgang gebruik word nie.

Die volgende reëls moet asseblief vir almal se veiligheid nagekom word:

- Leerders moet by die hekke wag totdat dit oopgesluit word.
- Handhaaf asseblief die vereiste 1,5 m sosiale afstand aan die buitekant van die hekke.
- Leerders moet asseblief nie dorp toe of na vriende se huise toe gaan nadat hulle by die skool afgelaai is nie.
- Die dra van 'n masker (mond en neus bedek) is verpligtend wanneer leerders buite die hekke wag.

5. **Sportklere:**

Ons moedig die laerskoolleerders aan om die korrekte sportklere tydens sportperiodes aan te trek. ‘n Swart broekie en die McLachlan sporthempie is die korrekte drag. Ongelukkig mag swart spanbroeke (“tights”) nie gedra word nie. Leerders mag ook sport met ‘n McLachlan-sweetpak doen.

S. Pienaar

S. PIENAAR

Waarnemende Skoolhoof: Hoërskool McLachlan



McLachlan Internet Fasiliteit